



DEO OPTIMO MAX.

UNI ET TRINO,

VIRGINI DEI PARÆ, ET S. LUCE,

Orthodoxorum Medicorum Patrono.

BIB. Santa
Medecine
Paris

QUÆSTIO MEDICA,

QUOD LIBETARIIS DISPUTATIONIBUS

manè discutienda in Scholis Medicorum, die Jovis septimâ

mensis Januarii, anno Domini M. DCC. LXXX.

M^o. JACOBO AMBROSIO LAUBRY, Doctore Medico, Præside,

An Diluentia, in affectibus Melancholicis purgantibus præferenda?

I.

MELANCHOLICO morbo nihil frequentius, sanatu difficilius nihil, hic à mente oiundus, mentem mille modis cruciat. Homo, quâ parat cæteris animantibus præcellit, eâ ipsâ, morborum insulnibus magis patet. Imò qui, vel meditando, vel in artibus ediscendis, vitam col ocant suam, ii plerumque sunt infelicioris valeru dinis. Hosce, ferè omnes, Melancholia lente consumit. Non mœror solus aut labor improbus, assidueque vigilia gignit.

Melancholiam, illa, & ab immodicâ latitâ, quis credat? & ab otiosâ quiete ortum repetit. Amor vehemens, insolens cupiditas, invidia, ut plurimum certa sunt, aut præsentis, aut mox futuræ Melancholiæ signa. Ab his animi affectibus, sensum aut subito, labascit functionum integritas. Scilicet fibrarum robur atque elaterium debilitantur, earum oscillationes viciantur. Motus alterni sanguinem, & parcius & ignavius, impellunt, attenuant, elaborant præterlabentem. Hinc omnis corrumpitur secretionum ordo. Hinc sanguis ipse languidius actus, ultro spissatur, acoremque innumerabilium ægritudinum fontem inexhaustum contrahit. Quin imò, hic suo volatili balsamico defraudatus, ut iners limus, stagnat in vasis. Mirum quot inde sobolescant symptomata, quæ miseros mortales distorquent. Mens vanis imaginibus deluditur. Depascitur corpus omni dolorum genere excruciatum. Qui ubi cogitationi semper affixus, aliquandò & diu sine febre, delirat, is Melancholicus habeatur. Morbificus humor adhuc delitescit in venis. Visceribus mox ille cohærebit, nisi in eo depellendo quamprimum invigiles. Totis igitur viribus succum ablue noxium. Exit sponte suâ succus, quantumvis sit tenax, si sat benè diluatur. Hæc præferenda sunt remedia quæ tutius morbum sanant.

I L.

MORBUM hunc simplicem ne crede. Gradus ille habet, inter se, longè diffitos. Succus acefcens minis in vasis, dum vis circuitus abripitur in majora vasa, totam sanguinis massam æqualiter inficit. Hinc primus Melancholiæ gradus. Vigente causâ, crescit succi depravati moles; inspissatur ille magis & in vasis hypochondriacis depositus hæret. Hic majorem ruinam minatur. Horrenda per symptomata ille se manifestat. Reverâ non accidit quin in vasis hypochondriacis jam fixata compactaque morbifica materies, diu hæserit. Fiunt inde obstructions ubique, stagnans lymphæ acefcit, moles ejus aggeritur, extenduntur vasa, roduntur. Hinc viscerum abdominis ingens alteratio, vicinorum fors non beatior. Respirationis organa malè se habent. Per consensum obruitur caput, & inquinatis spiritibus, omne genus maniae suboritur. Ægrorum alii se vitreos autumant, neque quidquam tangere audent, ne ipsi confringantur. Alii se mortuos credunt, atque ob id se ab omni potu ciboque interdiciunt. Illi se aliquo membro carere existimant, neque ullo modo eo uti volunt; illi se in bruta mutatos putant. Quid non efficit tardus & acefcens sanguis? quæ symptomata, si visceribus ille semel inhæserit?

OPPUGNETUR ab initio tot morborum ferax humor, radix mali præcidatur. Sed, quâ ratione præteris, cave. Succus crassus atque acore imbutus durum non patitur imperium. Medicamenti vim facile eludit. Quò tenaciùs partibus inhærescit, eò ferociùs, si cogitur, sævit. Curationem evacuantibus, vel quidem levissimis, tentaverit; humores sani & faciliè mobiles soli expellentur tenaces, verò magis hærebunt. Hinc pejor morbus. Stimulantia aut valde solventia exhibe, materies subito solutâ fiet acris, & impetu magno irruens in tenera hypochondriorum vasa, ea destruet. Indè multa & immedicabilia mala. Alterantia quæ humores vehementer exagitant, non minus afferunt damnum. In hoc morbo diluentia cæteris præstant medicaminibus. Confertos sanguinis globulos dividendo, emolliendoque fibrarum rigiditatem,

tutius illa Melancholiam sanabunt. Melancholicorum fibræ salium aculeis indefinenter punctæ rigent, & in spasmus maximè propendant, sanguis ipse malè cohæret. Pars globosa fixioribus imbuta salibus arefcit; vehiculum suum lympham exprimit. Lympha subtilioribus saturata, proinde partibus enutriendis inepta, huc illuc, per membra dolores latura devagatur, diluentia hæc sunt quæ lubricis volubilibus ac globosis constant particulis. Quid felicius, rigentes fibras laxare partiumque sanguinis miscelam restituere potest, quàm medicamenta, quibus tanta inest cum sanguine affinitas.

I V.

QUÆ sit diluentium cum sanguine proportio, ex utriusque naturâ abundè pater. Ex indole morbi, quanti sit momenti in affectibus Melancholicis diluentium usus facillè dignoscitur. Sanguis geminâ parte constat, alterâ rubrâ, albâ alterâ. Hæc tenuis & lubrica, illa glabosa & volubilis admodum, utraque, in statu sanitatis, amico nexu unitur, utraque, solidorum verberibus, æqualiter subiecta, perenni circuitu volvitur. At verò in Melancholicò morbo, eoque ideâ tristi potissimum oborto, constringuntur fibræ. His constrictis, languidè & inæqualiter pulsatur sanguis. Necessariò igitur tarDESCIT ille & spissatur; à tarditate sobolescit aciditas, quæ noxias acquirit vires eundo. Acor cruoris globos cogit in unum, densat, indurat. Hi ergo ad motum fiunt inhabiles. Segregantur à lymphâ, in quâ prius natabant, & ex quâ suam mutuabantur volubilitatem. Ecquid, partes sanguinis morbo dissociatas, aptius consociare valet, quàm diluentia, quorem particulæ sunt, sanguinis particulis miscendis tenuandisque, tam habiles? Rigent fibræ? Quid eas jucundius tutiusque laxabit, quam liquidum dulce & salibus mergendis idoneum? Diluentia nascentes arcent spasmus, & acorem quemvis obtundunt. Hæc fluida pandendo dividunt, solidaque humectando & emolliendo relaxant. Diluentium nomine, sola intelligenda veniunt potulenta, decocta, succi, cremores, sorbitiones &c. Hæc, quot quot sunt, obstructions sensim sine sensu referant, solvunt repagula, vincunt obices, facilemque noxio humori sternunt viam, utquâ datâ portâ ille ruat.

V.

EFFECTUS tam foeciles non sunt à purgantibus expectandi. Si quis purgationi, in affectibus Melancholicis, locus concedatur, is solum sub finem esto. Frustrâ clamitant, ejiciendus est morbificus humor. Quâ ratione potest absque purgantibus? Lenis purgatio sinecum vic tractabilem ad exitum quasi invitat. Hæc, quem offendit humorem Melancholicum, amicè propellit. Non irritat excretioni imparatum. His credere verbis cæcutire est. Purgantia non agunt, nisi vellicando, irritando, conquassando. Purgatio quas sublevat partes deterit. Fœneratorum more, illa nocendo juvat. Vix aliquandò corpori, absque viscerum dispendio, prodest. In affectibus Melancholicis semper ea nocet, nêdum aliquandò profit. Quid istud inquires? Tussiculosi, sputatores, catarrhosi sunt Melancholici, Redundant ergò humores serosi, purgatione solâ, educendi. Reipsâ humores serosi redundant: at verò ex eò duntaxat, quod ii à sanguinis substantiâ, vi morbi, non naturæ vietricis conamine exprimantur. Incircò ægrotantem eò lædes magis, quò plus feri eduxeris. Ut sejunctæ sanguinis genuinæ partes in unum coaliscant, hoc opus, hic labor est. Unicus tamen hic esse debet mendentis scopus, quoniam ab eo pendet sanitatis restitutio. Id tutò, id jucundè

præstant diluentia. Saliâ mergendo eorum actionem coercent. Ea sui liquoris tenuitate compactos induratoque globos evolvunt & explicant. Hi leviores facti, suo loco moveri incipiunt, assuetumque iter denud metiuntur. Sanitas tandem à diluantibus restituitur; arceatur à purgantibus.

Ergo Diluentia, in Melancholicis affectibus, purgationi præferenda.

DOMINI DOCTORES DISPUTATURI.

M. Joannes-Jacobus DE LA PORTE.

M. ANTONIUS CHAUMON SABBATIER.

M. Cesar COSTE.

M. Thomas LE TENNEUR,

M. Joannes-Francisus DE LA LOUETTE.

M. Joannes-Carolus MAUDUY DE LA VARENNE.

M. Felix VICE D'AZYR.

M. Henricus-Joannes BAGET.

M. Stephanus GROSSIN DU HAUME.

Proponebat Parisiis, JOANNES-AUGUSTUS BERNARD, Dioecesis Andeganiensis, Doctor Medicus Andeganiensis & saluberrimæ Facultatis Medicinæ Parisiensis Baccalaureus.

A. R. S. H. 1790. AB OCTAVA AD MERIDIEM.



Typis QUILLAU, Saluberrimæ Facultatis Medicinæ Typographi, 1790.